



**KANTONALNI ZAVOD ZA ZAŠTITU
KULTURNO-HISTORIJSKOG I PRIRODNOG NASLIJEĐA
SARAJEVO**

INSTITUTE FOR THE PROTECTION OF CULTURAL-HISTORICAL
AND NATURAL HERITAGE OF CANTON SARAJEVO

Broj: 04-03-399/24

Datum: 17.02.2024.

ZAPISNIK

Sa konstituirajuće sjednice Nadzornog odbora JU "Kantonalni zavod za zaštitu kulturno-historijskog i prirodnog naslijeđa Sarajevo", održane 16.02.2024. godine u prostorijama Zavoda., ul. Josipa Štadlera br. 32. s početkom u 14:00 sati.

Prisutni na sjednici su:

- Amela Topuz-Bajraktarević – v.d. predsjednika Nadzornog odbora,
- Maja Hafizović – članica Nadzornog odbora,
- Duško Bašić – član Nadzornog odbora,
- Boris Trapara – direktor Zavoda,
- Nina Tikveša – zapisničarka

Sjednicu je otvorila Amela Topuz-Bajraktarević, v.d. predsjednika Nadzornog odbora JU Kantonalnog zavoda za zaštitu kulturno-historijskog i prirodnog naslijeđa Sarajevo i predložila sljedeći Dnevni red na usvajanje:

DNEVNI RED

1. Konstituiranje Nadzornog odbora JU "Kantonalni Zavod za zaštitu kulturno-historijskog i prirodnog naslijeđa Sarajevo", nakon imenovanja v.d. predsjednice Nadzornog odbora;
2. Upoznavanje članova Nadzornog odbora sa trenutnim stanjem u Zavodu;
3. Zahtjev za Mišljenje na Plan popune neophodnih radnih mjesta u 2024. godini i Plan odlazaka radnika u penziju za 2024. godinu;
4. Razno.

Prisutni su jednoglasno usvojili prijedlog Dnevnog reda.

AD-1 V.d. predsjednika Amela Topuz-Bajraktarević pozdravila je prisutne i iskazala zadovoljstvo što će imati prilike upoznati se sa radom Zavoda i izazovima sa kojima se susreće, ali i biti u prilici da doprinese poboljšanju rada ove ustanove.

AD-2 Direktor je obavijestio članove NO o trenutnom stanju u Zavodu, da je naplaćen veći dio duga firme „SDC“ za Žutu tabiju. Također, rekao je da je u toku renoviranje krova zgrade u kojoj je smješten Zavod, zamjena prozora i krečenje.

AD-3 U vezi s Planom za odlazak zaposlenika u penziju, direktor Zavoda informisao je članove NO da je predviđeno da u tekućoj godini dva zaposlenika Zavoda idu u redovnu starosnu penziju i to: Stručni savjetnik za zaštitu graditeljskog naslijeđa i Stručni saradnik za javne nabavke, obračun i likvidaturu. Radnici koji se trenutno nalaze na ovim pozicijama stižu uslove za odlazak u redovnu starosnu penziju u martu i decembru 2024. godine. Ova dva mjesta je neophodno popuniti, kao i dva radna mjesta prema Pravilniku o unutrašnjoj organizaciji i sistematizaciji radnih mjesta, što ukupno čini četiri pozicije: 1) Stručni saradnik za zaštitu graditeljskog naslijeđa; 2) Stručni saradnik za javne nabavke, obračun i likvidaturu; 3) Viši stručni saradnik za konzervatorsko-restauratorske radove i 4) Stručni saradnik za zaštitu prirodnih vrijednosti. Za mjesto saradnika za konzervatorsko-restauratorske radove Zavod je dobio saglasnost i proveo konkursnu proceduru tokom 2023. godine, ali se na javni konkurs niko nije javio. Na pitanje v.d. predsjednice NO Topuz-Bajraktarević kako se može objasniti činjenica da na pomenutom konkursu nije bila niti jedna prijava, direktor je objasnio da nismo konkurentni na tržištu rada. Također je izvjestio prisutne da je obim posla na zaštiti prirodnog naslijeđa takav da je neophodno zaposliti još jednu osobu. Hafizović je upitala direktora da li je ikada bila praksa da u Zavodu rade dva uposlenika na zaštiti prirodnog naslijeđa. Direktor je odgovorio da je za saradnike za zaštitu prirodnog naslijeđa predviđeno više radnih mjesta u Pravilniku o unutrašnjoj organizaciji i sistematizaciji radnih mjesta, između ostalog i: Stručni saradnik za zaštitu geološkog naslijeđa, stručni saradnik za zaštitu pejzaža i 2 stručna saradnika za zaštitu prirodnih vrijednosti. Nadalje, gospodin Trapara pomenuo je da iz Zavoda sredinom godine odlazi i uposlenica na poziciji tehničkog sekretara koja je dala otkaz, a da stručnom saradniku za zaštitu i dokumentaciju Baščašije, koja je zaposlena preko projekta Biroa za zapošljavanje, također ove godine ističe ugovor. Nakon detaljnih pojašnjenja od strane direktora, članovi NO dali su pozitivno mišljenje na Plan popune neophodnih radnih mjesta za 2024. godinu i Plan odlazaka radnika u penziju u 2024. godini.

AD-4 Pod tačkom Razno nije bilo rasprave.

Sjednica je završena u 15:20 sati.

Zapisnik pripremila

Nina Tikveša

Predsjednica Nadzornog odbora

Amela Topuz-Bajraktarević



Dostaviti:

- Članovima Nadzornog odbora
- Direktor
- Arhivi NO
- Arhivi Zavoda